

ACCESO A 1º GE

O procedemento de acceso ao primeiro curso de grao elemental atenderá exclusivamente á avaliación das aptitudes musicais das persoas aspirantes e á idade idónea para iniciar os seus estudos nas especialidades instrumentais. En todo caso, a idade mínima de acceso será de oito anos e a máxima de catorce anos, cumpridos ou por cumprir dentro do ano natural.

A proba para avaliar as aptitudes musicais incluírá, polo menos, os seguintes aspectos:

- a) Exercicio para avaliar a aptitude rítmica.
- b) Exercicio para avaliar a aptitude auditiva e vocal.
- c) Exercicio para avaliar a aptitude psicomotriz.

A realización destes exercicios efectuarase de xeito que ningún deles teña carácter eliminatorio. A valoración realizarase considerando tanto cada un dos aspectos sinalados no punto anterior como o conxunto da proba globalmente.

CRITERIOS DE AVALIACIÓN DAS PROBAS DE ACCESO A 1º CURSO DE GRAO ELEMENTAL

A proba de acceso avaliará, en relación coa idade de cada solicitante, as súas aptitudes para iniciar os estudos musicais e contemplará a aptitude rítmica, a aptitude auditiva e vocal e a aptitude psicomotriz.

- Imitar correctamente unha serie de exercicios rítmicos que irán aumentando a súa dificultade progresivamente. Con este criterio valorarase a capacidade de concentración, a memoria auditiva e a exactitude na repetición rítmica.
- Imitar correctamente unha serie de exercicios auditivos e vocais que irán aumentando na súa dificultade progresivamente. Con este criterio valorase a capacidade de concentración, a memoria auditiva, exactitude na afinación e corrección na repetición melódica.
- Entonar melodías con corrección. Con este criterio valorarase a exactitude na afinación dunha melodía.
- Realizar con corrección os exercicios de coordinación psicomotriz propostos. Con este criterio valorarase a memoria visual e psicomotriz, o a coordinación espacio-temporal, a imitación psicomotriz pasiva e activa, a lateralidade e a concordancia entre o ritmo sonoro e o xesto.

CUALIFICACIÓN DAS PROBAS DE ACCESO A 1º CURSO DE GRAO ELEMENTAL

Realizaranse 10 exercicios para avaliar a aptitude rítmica, 10 exercicios para avaliar a aptitude auditiva e vocal, e 10 exercicios para avaliar a aptitude psicomotriz. A valoración global será o resultado da media aritmética destas tres partes.

A realización dos exercicios da proba efectuarase de maneira que ningún deles teña carácter eliminatorio. A valoración realizarase considerando tanto cada un dos aspectos sinalados no punto anterior como o conxunto da proba globalmente.

A proba de acceso cualificarase globalmente de 1 a 10 puntos, ata un máximo dun decimal, debendo obter o aspirante unha puntuación mínima de 5 puntos para superar a proba.